

ՀՀ ԿԱՌԱՎԱՐՈՒԹՅԱՆ ԱՌԸՆԹԵՐ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ ՆԱԽԱԳԱՀԻ ՀՐԱՄԱՆԸ
ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅՈՒՆՆԵՐԻ ԳՈՐԾՈՒՆԵՈՒԹՅԱՆ ՀԱՇՎԵՏՎՈՒԹՅԱՆ ՕՐԻՆԱԿԵԼԻ ՁԵՎԸ,
ԼՐԱՑՄԱՆ ԿԱՐԳԸ, ՀԱՇՎԵՏՎՈՒԹՅԱՆ ՀՐԱՊԱՐԱԿՄԱՆ ԵՎ ՀՀ ԿԱՌԱՎԱՐՈՒԹՅԱՆ ԱՌԸՆԹԵՐ ՊԵՏԱԿԱՆ
ԵԿԱՄՈՒՏՆԵՐԻ ԿՈՄԻՏԵ ՆԵՐԿԱՅԱՑՄԱՆ ԿԱՐԳԸ ՀԱՍՏԱՏԵԼՈՒ ՄԱՍԻՆ

«Գրանցված է»

ՀՀ արդարադատության

նախարարության կողմից

26 փետրվարի 2018 թ.

Պետական գրանցման թիվ 12418065

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ԿԱՌԱՎԱՐՈՒԹՅԱՆ ԱՌԸՆԹԵՐ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ ՆԱԽԱԳԱՀ

13 փետրվարի 2018 թ.

N 59-Ն

Հ Ր Ա Մ Ա Ն

ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅՈՒՆՆԵՐԻ ԳՈՐԾՈՒՆԵՈՒԹՅԱՆ ՀԱՇՎԵՏՎՈՒԹՅԱՆ ՕՐԻՆԱԿԵԼԻ ՁԵՎԸ,
ԼՐԱՑՄԱՆ ԿԱՐԳԸ, ՀԱՇՎԵՏՎՈՒԹՅԱՆ ՀՐԱՊԱՐԱԿՄԱՆ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՌԸՆԹԵՐ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ ՆԵՐԿԱՅԱՑՄԱՆ ԿԱՐԳԸ ՀԱՍՏԱՏԵԼՈՒ
ՄԱՍԻՆ

Հիմք ընդունելով «Հասարակական կազմակերպությունների մասին» Հայաստանի Հանրապետության օրենքի
24-րդ հոդվածը, «Ինտերնետով հրապարակային և անհատական ծանուցման մասին» Հայաստանի
Հանրապետության օրենքի 3-րդ հոդվածը՝

Հրամայում եմ՝

1. Հաստատել՝

1) հասարակական կազմակերպությունների գործունեության հաշվետվության օրինակելի ձևը՝ համաձայն N 1
հավելվածի,

2) հասարակական կազմակերպությունների գործունեության հաշվետվության օրինակելի ձևի լրացման
կարգը՝ համաձայն N 2 հավելվածի,

3) հասարակական կազմակերպությունների գործունեության հաշվետվության օրինակելի ձևի հրապարակման
և Հայաստանի Հանրապետության կառավարությանն առընթեր պետական եկամուտների կոմիտե ներկայացման
կարգը՝ համաձայն N 3 հավելվածի:

2. Սույն հրամանն ուժի մեջ է մտնում պաշտոնական հրապարակման օրվան հաջորդող տասներորդ օրը:

Վ. Հարությունյան

Օրինակելի ձև

**ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅՈՒՆՆԵՐԻ ԳՈՐԾՈՒՆԵՈՒԹՅԱՆ
 ՀԱՇՎԵՏՎՈՒԹՅԱՆ**

ՀԱՍՏԱՏՎԱԾ Է
 Գործադիր մարմնի կողմից
 «___» _____ 20 թ.

Հ Ա Շ Վ Ե Տ Վ ՈՒ Թ Յ ՈՒ Ն

«_____»
 հասարակական կազմակերպության 20 թ. գործունեության մասին

1. Հասարակական կազմակերպության`		
1.1 Լրիվ անվանումը		
1.2 ՀՎՀՀ		
1.3 Գտնվելու վայրը		
1.4 Պետական գրանցման համարը		
1.5 Պետական գրանցման տարին, ամիսը, ամսաթիվը		
1.6 Հեռախոսը (այդ թվում` բջջային)		
1.7 Պաշտոնական ինտերնետային կայքը		
1.8 Էլեկտրոնային փոստը		
2. Հասարակական կազմակերպության`		
2.1 Անդամների թիվը		
2.2 Միջոցներից օգտված անդամների թիվը		
2.3 Կամավորների թիվը		
2.4 Միջոցներից օգտված կամավորների թիվը		
3. Իրականացված ծրագրեր`		
3.1 Ծրագրի անվանումը և վայրը	3.2 Ծախսված գումարը	3.3 Կարգավիճակը
4. Տարեկան մուտքեր և ստացման աղբյուրներ`		
4.1 Դրամական միջոցները	4.2 Գույքը	
	4.2.1 Տեսակը	4.2.2 Արժեքը
		4.3 Ստացման աղբյուրները

5. Օգտագործված միջոցներ`		
5.1 Դրամական միջոցները	5.2 Գույքը	
	5.2.1 Տեսակը	5.2.2 Արժեքը
6. Կանոնադրական նպատակների իրականացմանն ուղղված ծախսերի չափը		
7. Նխատերի քանակը		
7.1 Ժողովի	7.2 Կոլեգիալ կառավարման այլ մարմինների	

Կից ներկայացվում է`

1) աուդիտորի եզրակացությունը` _____ թերթից,
թերթերի քանակը

2) վերստուգող մարմնի եզրակացությունը` _____ թերթից:
թերթերի քանակը

Գործադիր մարմնի ղեկավար _____
ստորագրությունը, անունը, ազգանունը

Գլխավոր հաշվապահ _____
ստորագրությունը, անունը, ազգանունը

Հավելված N 2
Հայաստանի Հանրապետության
կառավարությանն առընթեր պետական
եկամուտների կոմիտեի նախագահի
2018 թվականի փետրվարի 13-ի
N 59-Ն հրամանի

Կ Ա Ր Գ

ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅՈՒՆՆԵՐԻ ԳՈՐԾՈՒՆԵՈՒԹՅԱՆ ՀԱՇՎԵՏՎՈՒԹՅԱՆ ՕՐԻՆԱԿԵԼԻ ԶԵՎԻ ԼՐԱՑՄԱՆ

1. Հասարակական կազմակերպությունների (այսուհետ` Կազմակերպություն) գործունեության հաշվետվության օրինակելի ձևի (այսուհետ` Հաշվետվություն) 1-ին կետում լրացվում են Կազմակերպության` լրիվ անվանումը, հարկ վճարողի հաշվառման համարը (ՀՎՀՀ), գտնվելու վայրը, պետական գրանցման համարը, տարին, ամիսը, ամսաթիվը, հեռախոսը (այդ թվում` բջջային), պաշտոնական ինտերնետային կայքը և էլեկտրոնային փոստը: Եթե հաշվետու տարվա ընթացքում Կազմակերպությունը չի ունեցել պաշտոնական կայք, ապա 1.7-րդ ենթակետը պետք է բովանդակի այդ մասին նշում:

2. Հաշվետվության 2-րդ կետում լրացվում է հաշվետու տարվա հունվարի 1-ի դրությամբ Կազմակերպության անդամների (այդ թվում` կամավորների) թիվը, ինչպես նաև հաշվետու տարվա ընթացքում կազմակերպության միջոցներից օգտված անդամների (այդ թվում` կամավորների) թիվը:

3. Հաշվետվության 3-րդ կետում լրացվում է Կազմակերպության կողմից իրականացրած ծրագրերի արդյունքների մասին տեղեկատվություն՝ յուրաքանչյուր ծրագրի անվանումը և վայրը, հաշվետու տարվա ընթացքում յուրաքանչյուր ծրագրի համար ծախսված գումարի չափը և ծրագրի կարգավիճակը (ավարտված կամ ընթացքի մեջ):

4. Հաշվետվության 4-րդ կետում լրացվում են հաշվետու տարվա ընթացքում ստացված դրամական միջոցները և գույքը (տեսակը, արժեքը)՝ նշելով ստացման աղբյուրները:

5. Հաշվետվության 5-րդ կետում լրացվում է հաշվետու տարում օգտագործված դրամական միջոցների ընդհանուր չափը և գույքը (տեսակը, արժեքը):

6. Հաշվետվության 6-րդ կետում լրացվում է կանոնադրական նպատակներին ուղղված ծախսերի ընդհանուր չափը:

7. Հաշվետվության 7-րդ կետում, այդ թվում՝ 7.1 և 7.2 ենթակետերում, լրացվում է Կազմակերպության Հիմնադիր Ժողովի և կոլեգիալ կառավարման այլ մարմինների նիստերի քանակը: Ընդ որում, հաշվետու տարում նիստեր չգումարելու դեպքում 7-րդ կետում, այդ թվում՝ 7.1 և 7.2 ենթակետերում, լրացվում է «0»:

8. Հաշվետվությանը կցվում է՝

1) աուդիտորի եզրակացությունը, եթե Կազմակերպությունը հաշվետու տարվա ընթացքում հանրային միջոցներից ֆինանսավորվել է հինգ միլիոն և ավելի ՀՀ դրամի չափով,

2) վերստուգող մարմնի եզրակացությունը, եթե Կազմակերպության կանոնադրությամբ նախատեսվում է վերստուգող մարմնի կազմավորում:

9. Հաշվետվությունը ստորագրվում է Կազմակերպության գործադիր մարմնի ղեկավարի և գլխավոր հաշվապահի կողմից:

10. Հաշվետվությունը համարվում է թերի, եթե այն չի պարունակում Հավելված N 1-ի ձևում նշված տեղեկություններից որևէ մեկը կամ պարունակում է ակնհայտ հակասություններ:

11. Հաշվետվությունը լրացվում է ՀՀ դրամով:

Հավելված N 3
Հայաստանի Հանրապետության
կառավարության առնչությամբ պետական
եկամուտների կոմիտեի նախագահի
2018 թվականի փետրվարի 13-ի
N 59-Ն հրամանի

Կ Ա Ր Գ

ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅՈՒՆՆԵՐԻ ԳՈՐԾՈՒՆԵՈՒԹՅԱՆ ՀԱՇՎԵՏՎՈՒԹՅԱՆ ՕՐԻՆԱԿԵԼԻ ՁԵՎԻ ՀՐԱՊԱՐԱԿՄԱՆ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ԱՌՆԹԵՐ ՊԵՏԱԿԱՆ ԵԿԱՍՈՒՏՆԵՐԻ ԿՈՄԻՏԵ ՆԵՐԿԱՅԱՑՄԱՆ

1. Հասարակական կազմակերպությունն իր գործունեության մասին հաշվետվությունը, իսկ աուդիտը պարտադիր լինելու դեպքում, նաև աուդիտորի եզրակացությունը, օրենքով սահմանված կարգով և ժամկետներում հրապարակում է հաշվետվությունների համար նախատեսված կայքում, իսկ մինչև կայքի շահագործումը, հաշվետվությունը և եզրակացությունը հրապարակվում են Հայաստանի Հանրապետության հրապարակային ծանուցումների պաշտոնական ինտերնետային կայքում (<http://www.azdarar.am/>):

2. Հասարակական կազմակերպությունը սույն կարգի 1-ին կետում նշված հաշվետվության, աուդիտորի եզրակացության և վերստուգող մարմնի եզրակացության (առկայության դեպքում) մեկական օրինակները հաշվետվությունը և աուդիտորի եզրակացությունը հրապարակելուց հետո՝ 30 օրվա ընթացքում, ներկայացնում է իր հաշվառման վայրի հարկային մարմին: